



ს ა ქ ა რ თ ვ ე ლ ო

## ქალაქ ქუთაისის მუნიციპალიტეტის საკრებულოს თავმჯდომარის

### ბ რ ძ ა ნ ე ბ ა

№ 524

ქალაქი ქუთაისი

19

ნოემბერი

2024 წელი

ქალაქ ქუთაისის მუნიციპალიტეტის საკრებულოს აპარატის მეორადი  
სტრუქტურული ერთეულის - ადმინისტრაციული განყოფილების პირველი  
კატეგორიის უფროსი სპეციალისტის ვაკანტური თანამდებობის  
დასაკავებლად დახურული კონკურსის  
გამოცხადების შესახებ

„საჯარო სამსახურის შესახებ“ საქართველოს კანონის 34-ე მუხლის 1-ლი და მე-3 პუნქტების, 35-ე მუხლის,  
„საჯარო სამსახურში კონკურსის ჩატარების წესის შესახებ“ საქართველოს მთავრობის 2017 წლის 21 აპრილის №204  
დადგენილების მე-5 მუხლის 1-ლი და მე-4 პუნქტების, მე-6 მუხლის 1-ლი პუნქტის, მე-7 მუხლის 1-ლი პუნქტისა  
და „ქალაქ ქუთაისის მუნიციპალიტეტის საკრებულოს აპარატის პროფესიული საჯარო მოხელეებისათვის  
დამატებითი საკვალიფიკაციო მოთხოვნების დამტკიცების შესახებ“ ქალაქ ქუთაისის მუნიციპალიტეტის  
საკრებულოს თავმჯდომარის 2017 წლის 12 დეკემბრის №36 ბრძანების საფუძველზე, ვ ბ რ ძ ა ნ ე ბ :

მუხლი 1. გამოცხადეს დახურული კონკურსი, ქალაქ ქუთაისის მუნიციპალიტეტის საკრებულოს  
აპარატის მეორადი სტრუქტურული ერთეულის - ადმინისტრაციული განყოფილების პირველი კატეგორიის  
უფროსი სპეციალისტის (საკრებულოს საფინანსო - საბიუჯეტო კომისიაში) ვაკანტური თანამდებობის  
დასაკავებლად, საჯარო სამსახურის ბიუროს მიერ ადმინისტრირებული ვებგვერდის ([www.hr.gov.ge](http://www.hr.gov.ge)) მეშვეობით,  
მ/წლის 19 ნოემბრიდან, დანართის შესაბამისად.

(დანართი წინამდებარე ბრძანებას თან ერთვის)

მუხლი 2. კანდიდატებმა დახურულ კონკურსში მონაწილეობის მიზნით, ელექტრონული განაცხადი და  
კონკურსის გამოცხადების შესახებ შეტყობინებით გათვალისწინებული სხვა აუცილებელი დოკუმენტები  
წარადგინონ საჯარო სამსახურის ბიუროს მიერ ადმინისტრირებულ ვებგვერდზე ([www.hr.gov.ge](http://www.hr.gov.ge)), 2024 წლის 19  
ნოემბრიდან 2024 წლის 23 ნოემბრის ჩათვლით.


მუხლი 3. ქალაქ ქუთაისის მუნიციპალიტეტის საკრებულოს აპარატის მეორადმა სტრუქტურულმა  
ერთეულმა - ადამიანური რესურსების მართვის განყოფილებამ, უზრუნველყოს, დახურულ კონკურსში  
მონაწილეობისათვის კანდიდატების მიერ წარდგენილი განაცხადების ძირითად, სპეციალურ და დამატებით  
მოთხოვნებთან შესაბამისობის შემოწმება, განცხადებების წარდგენისათვის განსაზღვრული ვადის ამოწურვიდან 10  
კალენდარული დღის ვადაში.

მუხლი 4. ბრძანება შეიძლება გასაჩივრდეს, კანონით დადგენილი წესით, ქუთაისის საქალაქო  
სასამართლოში (ვ.კუპრაძის ქუჩა №11), მისი გაცნობიდან ერთი თვის ვადაში.

მუხლი 5. ბრძანება ძალაში შევიდეს კანონით დადგენილი წესით.

საკრებულოს თავმჯდომარე

ირაკლი შენგელია



ქალაქ ქუთაისის მუნიციპალიტეტის საკრებულოს  
თავმჯდომარის 2024 წლის 19 ნოემბრის №524 რძანების  
დაწართი

### ვაკანცია

თანამდებობის დასახელება: მესამე რანგი - საჯარო დაწესებულების პირველი კატეგორიის უფროსი სპეციალისტი  
პოზიციის დასახელება: ადმინისტრაციული განყოფილების პირველი კატეგორიის უფროსი სპეციალისტი  
(საკრებულოს საფინანსო - საბიუჯეტო კომისიაში)

კონკურსის ტიპი: დახურული კონკურსი

ორგანიზაცია: ქალაქ ქუთაისის მუნიციპალიტეტის საკრებულო

კატეგორია: საფინანსო/საბიუჯეტო

განცხადების წარდგენის ვადა: 19.11.2024 – 23.11.2024

თანამდებობრივი სარგო : 1729 ლარი

ადგილების რაოდენობა : 1

სამსახურის ადგილმდებარეობა: ქუთაისი

სამუშაოს ტიპი: სრული განაკვეთი

ფუნქციები

საკრებულოს საფინანსო - საბიუჯეტო კომისიის გამართული საქმიანობის უზრუნველყოფა და კომისიის  
თავმჯდომარისათვის უფლებამოსილების განხორციელებაში ხელშეწყობა; კომისიის საქმიანობის ორგანიზაციული  
და ტექნიკური უზრუნველყოფა; კომისიის თავმჯდომარისათვის მოხსენებების, საჯარო გამოსვლებისა და  
რეგლამენტით დადგენილი წესით კომისიის მიერ გაწეული საქმიანობის შესახებ წლიური ანგარიშის მოზადებაში  
ხელშეწყობა; კომისიის დებულებით განსაზღვრული დარგობრივი მიმართულებების საკითხებზე მუშაობა;  
კომისიის თავმჯდომარის საინფორმაციო და ანალიტიკური უზრუნველყოფა; კომპეტენციის ფარგლებში  
საკრებულოს სამართლებრივი აქტების პროექტების შემუშავება, განხილვა და საკრებულოს სხდომისათვის  
მომზადება; კომპეტენციის ფარგლებში საკრებულოში შემოსული დოკუმენტებისა და სამართლებრივი აქტების  
პროექტების განხილვა და დასკვნების მომზადება; კომისიების სხდომების მომზადებისა და ჩატარების  
ორგანიზება; კომისიის სხდომების აუდიო ჩანაწერების წარმოება, კორექტირება, კომისიის სხდომებზე მიღებული  
გადაწყვეტილებებისა და სხდომათა ოქების გაფორმება; კომისიის თავმჯდომარისა და კომისიის სახელზე  
შემოსული კორესპონდენციების განხილვა, გაანალიზება და ანოტაცია, კომისიის თავმჯდომარესთან შეთანხმებით  
მათზე საპასუხო წერილების მომზადება; კომისიის თავმჯდომარესა და კომისიის წევრებთან მოქალაქეთა  
შეხვედრების ორგანიზება და კომპეტენციის ფარგლებში მათთვის კონსულტაციის გაწევა; მოქალაქეთა მიღებისას  
დასმული საკითხების შესრულების კონტროლი; ხელმძღვანელის მიერ, კომპეტენციის ფარგლებში გაცემული  
დამატებითი დავალებების შესრულება

მოთხოვნები

მინიმალური განათლება: ბაკალავრი;

სამუშაო გამოცდილება: 2 წელი;

საკონკურსო თემატიკა:

1. საქართველოს კონსტიტუცია;
2. საქართველოს ორგანული კანონი „ადგილობრივი თვითმმართველობის კოდექსი“;
3. „საჯარო სამსახურის შესახებ“ საქართველოს კანონი;
4. საქართველოს ზოგადი ადმინისტრაციული კოდექსი;



5. ადგილობრივი თვითმმართველობის შესახებ ევროპული ქარტია;
6. „საქმისწარმოების ერთიანი წესების დამტკიცებისა და ამოქმედების შესახებ“ საქართველოს პრეზიდენტის 1999 წლის 1 ივლისის №414 ბრძანებულება;
7. „საჯარო დაწესებულებაში ეთიკისა და ქცევის ზოგადი წესების განსაზღვრის შესახებ“ საქართველოს მთავრობის 2017 წლის 20 აპრილის №200 დადგენილება;
8. „ქალაქ ქუთაისის მუნიციპალიტეტის საკრებულოს რეგლამენტის დამტკიცების შესახებ“ ქალაქ ქუთაისის მუნიციპალიტეტის საკრებულოს 2014 წლის 14 ივლისის №1 დადგენილება
- კომპიუტერული პროგრამები, ოპერაციული სისტემები**
- პროგრამის დასახელება, ცოდნის დონე: Microsoft Office Word - კარგი; Microsoft Office Excel - კარგი
- საკონკურსო კომისიის მისამართი: ქალაქი ქუთაისი, რუსთაველის გამზირი №3
- დამატებითი მოთხოვნები**
- საფინანსო საკითხებზე მუშაობის არანაკლებ 2 (ორი) წლის გამოცდილება;
- სასურველია უცხო ენების (ინგლისური ან რუსული ან გერმანული) ცოდნა;
- მოლაპარაკების წარმართვის უნარი;
- ცვლილებებისა და სიახლეების ინიციირების უნარი;
- დამოუკიდებელი მუშაობის უნარი;
- გუნდური მუშაობის უნარი;
- სტრატეგიული და კომპლექსური აზროვნების უნარი;
- დროის ეფექტიანი მართვის უნარი;
- საქმის დაგეგმვისა და ორგანიზების უნარი;
- ინფორმაციის შეგროვებისა და მონაცემთა ანალიზის უნარი;
- მოქნილობა და ცვლილებებზე ადაპტირების უნარი;
- წერილების, ანგარიშების, შეთავაზებების მომზადების უნარი
- დამატებითი ინფორმაცია**
- დახურული კონკურსი ცხადდება საჯარო სამსახურის სისტემის მასშტაბით და გულისხმობს შესაფერისი კანდიდატის შერჩევას მოქმედი მოხელეებიდან, მოხელეთა რეზერვში ჩარიცხული მოხელეებიდან და შრომითი ხელშეკრულებით დასაქმებული პირებიდან, ამასთანავე, შრომითი ხელშეკრულებით დასაქმებულ პირს უფლება აქვს მონაწილეობა მიიღოს დახურულ კონკურსში, თუ იგი არანაკლებ 1 (ერთი) წელი მუშაობს საჯარო სამსახურის სისტემაში; პირი, რომელიც შრომითი ხელშეკრულებით იყო დასაქმებული, ვაკანტურ თანამდებობაზე მიიღება გამოსაცდელი ვადით, რომლის ხანგრძლივობა შეადგენს 12 თვეს; აუცილებელია კანდიდატმა წარმოადგინოს ცნობა, რომლითაც დასტურდება, რომ იგი არის მოქმედი პროფესიული საჯარო მოხელის სტატუსის მქონე პირი, ან რეზერვში ჩარიცხული პირი, ან შრომითი ხელშეკრულებით დასაქმებული პირი, რომელიც არანაკლებ 1 წელი მუშაობს საჯარო სამსახურის სისტემაში; კანდიდატმა კონკურსში მონაწილეობისათვის განაცხადი უნდა წარადგინოს მხოლოდ ელექტრონული ფორმით, საჯარო სამსახურის ბიუროს მიერ ადმინისტრირებული ვებვერდის ([www.hr.gov.ge](http://www.hr.gov.ge)) მეშვეობით; "ჩემი რეზიუმეს" შესაბამის ველში კანდიდატმა უნდა ატვირთოს სამუშაო გამოცდილების დამადასტურებელი დოკუმენტი; უმაღლესი განათლების დამადასტურებელი დოკუმენტი; კანდიდატმა უნდა შეავსოს სამოტივაციო წერილის ველი; კანდიდატი, რომელიც განაცხადის გადარჩევის საფუძველზე ვერ დააკმაყოფილებს დადგენილ საკონკურსო მოთხოვნებს, ასევე, სავალდებულოდ ასატვირთი დოკუმენტების წარმოუდგენლობის/არასრულყოფილად წარმოდგენის შემთხვევაში, ვერ გააგრძელებს კონკურსში მონაწილეობას; კანდიდატებს კონკურსის თითოეული ეტაპის შედეგების შესახებ ინფორმაცია ეცნობებათ განაცხადში მითითებულ ელექტრონულ ფოსტაზე.

გადაწყვეტილების მიღების ფორმა და ვადა

საბოლოო გადაწყვეტილება მიიღება კომისიის მიერ ხმათა უმრავლესობით, განცხადების წარდგენის ვადის დასრულებიდან არაუგვიანეს 3 თვის ვადაში

კონკურსის ეტაპები

განცხადების გადარჩევა

გასაუბრება

საკრებულოს თავმჯდომარე

